

Dálkasiid dorvvolaš geavaheapmi

1.1.2024

Čoahkkáigeassu rávagirjjázis Rávvagat dorvvolaš dálkkasdikšui

Dálkasa birra gávdnojit dieđut pakehtas ja pakehttačilgehusas.

Pakehttačilgehus lea ráva, mii lea dálkkaspakehta siste.

Dálkasa birra sáhtá álo jearrat doaktáris, dikšáris ja apoteaikkas.

Makkár dálkkashámit gávdnojit?

Iešguđetlágan dálkkashámit leat ovdamearkka dihtii tableahtat, goaikkanasat ja vuoidasat.

Guđege dálkkashámis leat áššit, maid ferte vuhtiiváldit, go geavaha dálkasa.

Ovdal go geavahat dálkasa, de loga álo vuos pakehttačilgehusas áššiid, mat gusket dálkasa váldimii.

Mot juogadan mu dálkasa?

Váldde dálkasa rievttis áigge.

Sihkkarastte doaktáris, dikšáris dahje apoteaikkas, fertego dálkasa váldit dihto áiggis jándoris.

Váldde dálkasa čuoččat dahje čohkut.

Dálkkasdikšoáigodat mearkkaša dan, ahte dálkkas geavahuvvo oanehis áigge.

Jeavddalaš dálkkasteapmi mearkkaša dan, ahte dálkkas váldjuvvo jeavddalaččat, dábálaččat juohke beaivve.

Dárbbu miel' dálkkas váldjuvvo dušše dalle, go leat mat nu dávdamearkkat.

Oaččungo juohkit guovtti oassái dahje mollet dálkasa?

Tableahta oažžu juohkit guovtti oassái, jus das lea juohkinsáhcu gaskkas. Kapseliid ii dábálaččat oaččo juohkit guovtti oassái iige mollet.

Maid barggan, jus vajálduhtán váldit dálkasa?

Jus vajálduhtát váldit du dálkasa rievttis áigge dahje ovdamearkka dihtii vuovssadat dan, geahča rávvagiid pakehttačilgehusas.

Sáhtát jearrat rávvagiid apoteaikkas, dikšáris dahje doaktáris.

Maid jus válddán dálkasa menddo olu?

Jus válddát dálkasa menddo olu, geahča rávvagiid pakehttačilgehusas. Sáhtát jearrat rávvagiid maid apoteaikkas, dikšáris dahje doaktáris dahje Myrkytystietokeskusis (*Mirrkohusdiehtoguoovddáš*).

Myrkytystietokeskusa telefonnummir lea 0800 147 111 (nuvttá).

Myrkytystietokeskus lea álo rabas.

Ale goassige geavat dálkasa, mii lea mearriduvvon nuppi olbmui.

Ale atte iežat reseaptadálkasiid earáid geavahussii.

Mot dálkcaslistu veahkeha mu?

Dálkcaslisttus leat buot dálkcasat, maid don geavahat, ja listu lea áiggi dásis.

Dálkcaslisttus logahallojit

- doaktára mearridan reseptadálkcasat
- iešdikšundálkcasat, maid oažžu apoteaikkas reseptta haga
- biebmóávnnasbuktagat
- boahkut
- dálkcasávnnasallergijjat.

Merke dálkcaslistui buot du geavahan dálkasiid nama, beaivválaš dálkcasmeari ja geavahanulbmila.

Ane dálkcaslisttu álo fárus. Čájjet dan ámmátolbmui, go divššut áššiid apoteaikkas dahje dearvvašvuodafuolahusas.

Mot čuovun dálkcasdivššu lihcostuvvama?

Lea buorre čuovvut ieš, mot dálkcasdikšu lihcostuvvá. Jeara iežat doaktáris, masa viggá du dálkcasdikšu váikkuhit.

Jus dálkcas ii veahket, dálkcasis bohtet liigeváikkuhusat dahje dus leat čuolmmat dálkasiid geavahusas, váldde oktavuođa dikšárij, doaktárii dahje apoteikii.

Mot rájadan mu dálkasiid?

Dálkasiid rievttelágan rádján dáhkida dan, ahte dálkasiid beaktu ja dorvvolašvuolta seilot maŋimuš geavahanbeaivemeari rádjái. Dálkasiid rádjánrávvagat leat čállon dálkcaspakehta olgožii ja pakeahhtačilgehussii.

Mot duššadan boarásman ja dárbbasmeahtun dálkasiid?

Ale geavat boarásman dálkasiid. Doalvvo boarásman dálkasiid apoteikii. Apoteaika duššada dálkasiid dorvvolaččat.

Loga eambo: [Rávagirjjáš dorvvolaš dálkcasdikšui](#)



LUOTETTAVAN
LÄÄKETIEDON
PUOLESTA
Lääkeinformaatioverkosto